



Broj: 16-12-16-5956-18 /18
I. Sarajevo, 11. 12. 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije II za nabavke za potrebe Državne agencije za istrage i zaštitu u 2018. godini broj 16-12-16-5956/18 od 30.11.2018. godine, u otvorenom postupku javne nabavke rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u otvorenom postupku javne nabavke rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu

Član 1.

U otvorenom postupku za dostavljanje ponuda za javnu nabavku rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu, za koji je obavještenje o javnoj nabavci objavljeno na Portalu javnih nabavki broj 1161-1-1-398-3-68/18 od 12.09.2018. godine i u „Službenom glasniku BiH“ broj 65/18, okvirni sporazum za period od dvije godine, dodjeljuje se za:

LOT 3 - Nabavka rezervnih dijelova sa uslugom ugradnje, popravke i održavanja službenih vozila Agencije na području Banja Luke za vozila marke Volkswagen, Fiat, Škoda, Ford i Citroen, ponuđaču "LADA AUTO" d.o.o. Banja Luka za ponudenu cijenu 20.918,12 KM bez uračunatog PDV-a;

LOT 9 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Ssangyong Rexton, ponuđaču "SM SOLUTION" d.o.o. Sarajevo za ponudenu cijenu 14.968,00 KM bez uračunatog PDV-a.

Član 2.

Ponuđači "LADA AUTO" d.o.o. Banja Luka i "SM SOLUTION" d.o.o. Sarajevo obavezani su ugovornom organu u roku od pet dana od dana prijema ove odluke dostaviti dokaze o ispunjavanju uslova iz tačke 12.1. i 13.2. Tenderske dokumentacije (orginal ili ovjerena kopija), ne starije od tri mjeseca, računajući od dana dostavljanja ponude.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-5956-1/18 od 05.09.2018. godine, putem otvorenog postupka, za koji je obavještenje o javnoj nabavci objavljeno na Portalu javnih nabavki broj 1161-1-1-398-3-68/18 od 12.09.2018. godine i u „Službenom glasniku BiH“ broj 65/18. Procijenjena vrijednost javne nabavke je 203.000,00 KM bez uračunatog PDV-a, za šta su novčana sredstva predviđena u okviru budžetskih sredstava za 2018. godinu i Dokumenta okvirnog budžeta 2019 – 2021. godina. Predmet javne nabavke podijeljen je na lotove i to:

- LOT 1 - Nabavka rezervnih dijelova sa uslugom ugradnje, popravke i održavanja službenih vozila Agencije, na području Sarajeva, Ilidže, Vogošće, Istočnog Novog Sarajeva i Istočne Ilidže, za vozila marke Ford, Renault i Fiat, procijenjene vrijednosti 25.000,00 KM bez PDV-a;
- LOT 2 - Nabavka rezervnih dijelova sa uslugom ugradnje, popravke i održavanja službenih vozila Agencije na području Tuzle za vozila marke Volkswagen, Škoda, Renault Ford i Citroen, procijenjene vrijednosti 30.000,00 KM bez PDV-a;
- LOT 3 - Nabavka rezervnih dijelova sa uslugom ugradnje, popravke i održavanja službenih vozila Agencije na području Banja Luke za vozila marke Volkswagen, Fiat, Škoda, Ford i Citroen, procijenjene vrijednosti 21.000,00 KM bez PDV-a;
- LOT 4 - Nabavka rezervnih dijelova sa uslugom ugradnje, popravke i održavanja službenih vozila Agencije na području Mostara za vozila marke Volkswagen, Škoda i Renault, procijenjene vrijednosti 20.000,00 KM bez PDV-a;
- LOT 5 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže, za vozila marke Opel, procijenjene vrijednosti 10.000,00 KM bez PDV-a;
- LOT 6 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže, za vozila marke BMW procijenjene vrijednosti 15.000,00 KM bez PDV-a;

- LOT 7 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Citroen, procjenjene vrijednosti 15.000,00 KM bez PDV-a;
- LOT 8 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Volvo, procjenjene vrijednosti 10.000,00 KM bez PDV-a;
- LOT 9 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Ssangyong Rexton, procjenjene vrijednosti 15.000,00 KM bez PDV-a;
- LOT 10 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Mazda, procjenjene vrijednosti 10.000,00 KM bez PDV-a;
- LOT 11 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Mercedes, procjenjene vrijednosti 10.000,00 KM bez PDV-a;
- LOT 12 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Toyota, procjenjene vrijednosti 7.000,00 KM bez PDV-a;
- LOT 13 - Nabavka rezervnih dijelova sa uslugom ugradnje, popravke i održavanja klima uređaja na službenim vozilima Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za sve vrste vozila, procjenjene vrijednosti 15.000,00 KM bez PDV-a.

Komisija II za nabavke za potrebe Državne agencije za istrage i zaštitu u 2018. godini (u daljem tekstu: Komisija) dostavila je Izvještaj o radu broj 16-12-16-5956/18 od 30.11.2018. godine, sa preporukom o izboru najpovoljnijeg ponuđača u postupku javne nabavke rezervnih dijelova sa uslugom ugradnje, popravke i održavanja službenih vozila za potrebe Agencije.

Obzirom da je tačkom 24. Tenderske dokumentacije navedeno da je rok za dostavljanje ponuda 04.10.2018. godine do 12,00 sati, te da se ponude dostavljaju u zatvorenoj koverti, Komisija je dana 04.10.2018. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Javnom otvaranju ponuda nije prisustvovao niko od predstavnika ponuđača. Blagovremeno je sedam ponuđača dostavilo ponude i to:

Redni broj	Naziv ponuđača	LOT	Vrijednost ponude (bez PDV-a)
1.	Autoservis i dijelovi - BL d.o.o. Banja Luka	LOT - 3	20.922,00 KM
2.	LADA AUTO d.o.o. Banja Luka	LOT - 3	20.918,12 KM

3.	GUMA M d.o.o. Mostar	LOT - 4	36.175,70 KM
4.	CITROEN ABC 1968 d.o.o. Sarajevo	LOT - 7	13.043,46 KM
5.	SM SOLUTION d.o.o. Sarajevo	LOT - 9	14.968,00 KM
		LOT - 11	5.250,00 KM
6.	KLIMACENTAR d.o.o. Sarajevo	LOT - 1	42.213,03 KM
		LOT - 5	13.710,37 KM
		LOT - 7	8.869,49 KM
		LOT - 13	16.409,07 KM
7.	Auto centar Betanija d.o.o. Sarajevo	LOT - 5	28.185,32 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „LADA AUTO“ d.o.o. Banja Luka (LOT-3), „GUMA M“ d.o.o. Mostar (LOT-4), „SM SOLUTION“ d.o.o. Sarajevo (LOT-9) i „Auto centar Betanija“ d.o.o. Sarajevo (LOT 5) ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti.

Ponuđači „Autoservis i dijelovi - BL“ d.o.o. Banja Luka (LOT-3), „CITROEN ABC 1968“ d.o.o. Sarajevo (LOT-7) i „KLIMACENTAR“ d.o.o. Sarajevo (LOT-1, LOT-5, LOT-7, LOT-13) ne ispunjavaju kvalifikacione uslove navedene u Tenderskoj dokumentaciji.

Za LOT-1 dostavljena je jedna ponuda i to ponuda ponuđača KLIMACENTAR d.o.o. Sarajevo. Uvidom u navedenu ponudu, Komisija je utvrdila da ponuda ponuđača ne ispunjava uslove iz tačke 13.3. Tenderske dokumentacije. Naime, utvrđeno je da ponuđač nije dostavio spisak izvršenih ugovora koji su vezani za predmet nabavke, za period duži od tri godine ili od datuma registracije, odnosno početka poslovanja, ako je ponuđač registrovan, odnosno počeo sa radom u periodu kraćem od tri godine. Ponuđač nije dostavio dokaz o uspješnoj realizaciji najmanje jednog ugovora na isporuci i ugradnji rezervnih dijelova u prethodne tri godine, koji je vezan za predmet nabavke LOT-1, nego je dostavio dokaze o uspješnoj realizaciji ugovora o servisiranju i popravci putničkih motornih vozila Toyota Land Cruzer i KIA-e.

Ponuđač „Autoservis i dijelovi - BL d.o.o. Banja Luka“ dostavio je ponudu za LOT-3, međutim ponuda ne ispunjava uslove iz člana 49. ZJN Tehnička i profesionalna sposobnost, jer ponuđač ne posjeduje dvostubu dizalicu kako je traženo tačkom 13.3. Tenderske dokumentacije.

Za LOT-5 dostavljena je ponuda ponuđača KLIMACENTAR d.o.o. Sarajevo. Uvidom u navedenu ponudu, Komisija je utvrdila da ponuda ponuđača ne ispunjava uslove iz tačke 13.3. Tenderske dokumentacije. Naime, utvrđeno je da ponuđač nije dostavio spisak izvršenih ugovora koji su vezani za predmet nabavke, za period duži od tri godine ili od datuma registracije, odnosno početka poslovanja, ako je ponuđač registrovan, odnosno počeo sa radom u periodu kraćem od tri godine. Ponuđač nije dostavio dokaz o uspješnoj realizaciji najmanje jednog ugovora na isporuci i ugradnji rezervnih dijelova u prethodne tri godine, koji je vezan za predmet nabavke LOT-5, nego je dostavio dokaze o uspješnoj realizaciji ugovora o servisiranju i popravci putničkih motornih vozila Toyota Land Cruzer i KIA-e.

Za LOT-7 dostavljene su ukupno dvije ponude i to ponuda ponuđača CITROEN ABC 1968 d.o.o. Sarajevo i ponuda ponuđača KLIMACENTAR d.o.o. Sarajevo. Uvidom u ponudu ponuđača CITROEN ABC 1968 d.o.o. Sarajevo, Komisija je utvrdila da ponuda ponuđača ne ispunjava uslove iz tačke 13.3. Tenderske dokumentacije. Naime utvrđeno je da

ponuđač nije dostavio original ili ovjerenu kopiju diplome za angažovano osoblje (dva automehaničara minimalno KV stručne spreme). Uvidom u ponudu ponuđača KLIMACENTAR d.o.o. Sarajevo, Komisija je utvrdila da ponuda ponuđača ne ispunjava uslove iz tačke 13.3. Tenderske dokumentacije. Naime, utvrđeno je da ponuđač nije dostavio spisak izvršenih ugovora koji su vezani za predmet nabavke, za period duži od tri godine ili od datuma registracije, odnosno početka poslovanja, ako je ponuđač registrovan, odnosno počeo sa radom u periodu kraćem od tri godine. Ponuđač nije dostavio dokaz o uspješnoj realizaciji najmanje jednog ugovora na isporuci i ugradnji rezervnih dijelova u prethodne tri godine, koji je vezan za predmet nabavke LOT-7, nego je dostavio dokaze o uspješnoj realizaciji ugovora o servisiranju i popravci putničkih motornih vozila Toyote Land Cruiser i KIA-e.

Za LOT-11 dostavljena je jedna ponuda i to ponuda ponuđača SM SOLUTION d.o.o. Sarajevo. Uvidom u navedenu ponudu, Komisija je utvrdila da ponuda ponuđača ne ispunjava uslove iz tačke 13.3. Tenderske dokumentacije. Naime, utvrđeno je da ponuđač nije dostavio spisak izvršenih ugovora koji su vezani za predmet nabavke, za period duži od tri godine ili od datuma registracije, odnosno početka poslovanja, ako je ponuđač registrovan, odnosno počeo sa radom u periodu kraćem od tri godine. Ponuđač nije dostavio dokaz o uspješnoj realizaciji najmanje jednog ugovora na isporuci i ugradnji rezervnih dijelova u prethodne tri godine, koji je vezan za predmet nabavke LOT-11, nego je dostavio dokaze o uspješnoj realizaciji ugovora o servisiranju i popravci putničkih motornih vozila Ssangyong Rexton, Ssangyong Sports Actyon, Ssangyong Musso i Mazda BT-50.

Za LOT-13 dostavljena je jedna ponuda i to ponuda ponuđača KLIMACENTAR d.o.o. Sarajevo. Uvidom u navedenu ponudu, Komisija je utvrdila da ponuda ponuđača ne ispunjava uslove iz tačke 13.3. Tenderske dokumentacije. Naime utvrđeno je da ponuđač nije dostavio original ili ovjerenu kopiju diplome za angažovano osoblje (autoelektričar).

Dalje, Komisija je aktom broj 16-12-16-5956 /18 od 26.10.2018. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava za realizaciju predmetne nabavke za LOT 4 i LOT 5. Sektor za materijalno-finansijske poslove je aktom od 01.11.2018. godine dostavio Komisiji informaciju da su ponuđene cijene značajno veće od tržišnih i od raspoloživog budžeta Agencije, shodno tome Komisija cijeni da ponuda ponuđača "GUMA M" d.o.o. Mostar za LOT 4 i ponuda ponuđača "Auto centar Betanija" d.o.o. Sarajevo za LOT 5 nisu prihvatljive za ugovorni organ.

Tenderskom dokumentacijom za postupak javne nabavke rezervnih dijelova sa uslugom ugradnje, popravke i održavanja službenih vozila za potrebe Agencije, predviđeno je provođenje e-aukcija, imajući u vidu da je dostavljena po jedna prihvatljiva ponuda (za LOT 3 i LOT 9) e-aukcija nije ni zakazivana.

Nakon pregledanja dokumentacije priložene uz dostavljenu ponudu, Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene ponude iz tačke 21. Tenderske dokumentacije, te je sačinila listu ocijenjenih ponuda, kako slijedi:

RANG LISTA PONUĐAČA ZA LOT-3		
R.br	Naziv / ime ponuđača	Ponuđena cijena (bez PDV-a)
1.	"LADA AUTO" d.o.o. Banja Luka	20.918,12 KM

RANG LISTA PONUĐAČA ZA LOT-9		
R.br	Naziv / ime ponuđača	Ponuđena cijena (bez PDV-a)
1.	"SM SOLUTION" d.o.o. Sarajevo	14.968,00 KM

Nakon provednog postupka ocjenjivanja dostavljenih ponuda, Komisija je utvrdila da je ponuda ponuđača "LADA AUTO" d.o.o. Banja Luka ocijenjena kao najpovoljnija za LOT

3, dok je ponuda ponuđača "SM SOLUTION" d.o.o. Sarajevo ocijenjena kao najpovoljnija za LOT 9, te da navedene ponude ne premašuju procijenjenu vrijednost javne nabavke, kao i da ne podliježu primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se predmetni okvirni sporazum za period od dvije godine dodijeli ponuđaču "LADA AUTO" d.o.o. Banja Luka za LOT 3, a ponuđaču "SM SOLUTION" d.o.o. Sarajevo za LOT 9, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 7x;
- Sektoru za mat.-fin. poslove;
- a/a.

